



REPUBLIKA E SHQIPËRISË
AGJENCIA KOMBËTARE E RINISË
DREJTORI I PËRGJITHSHËM

Nr. 107/3 Prot.

Tiranë, më 03. 04. 2026

**SHPLLJEN E THIRRJES PËR APLIKIM SI ANËTAR EKSPERT NGA
SHOQËRIA CIVILE NË KOMISIONIN E VLERËSIMIT TË
PROJEKTPROPOZIMEVE TË ORGANIZATAVE RINORE DHE
ORGANIZATAVE PËR TË RINJTË PËR FONDET GRANT PËR RININË**

Bazuar në Ligjin Nr. 75/2019 “Për Rininë”, i ndryshuar, Vendimin e Këshillit të Ministrave Nr. 566 datë 29.07.2022 “Për përcaktimin e kriterëve dhe të procedurave të përzgjedhjes së Organizatave Rinore dhe/ose Për Të Rinjtë, që përfitojnë financim nga fondet grant nga buxheti i shtetit të dedikuar për rininë”, i ndryshuar dhe Vendimin Nr. 196, date 26.3.2026 “Për Përcaktimin e Rregullave për Organizimin, Funksionimin dhe Përbërjen e Komisionit të Vlerësimit, si dhe të Kriterëve, Procedurave të Përzgjedhjes e të Shpërblimit të Anëtarëve të tij”, Agjencia Kombëtare e Rinisë shpall thirrjen për aplikim si antarë ekspert (**2 ekspert nga shoqëria civile**) nga shoqëria civile në Komisionin e Vlerësimit të projektpropozimeve të paraqitura nga organizatat rinore dhe/ose për të rinjtë në Thirrjen VI të AKR-së.

Procesi i përzgjedhjes së aplikantëve:

Procesi i përzgjedhjes së antarëve ekspert nga shoqëria civile në Komisionin e Vlerësimit të projektpropozimeve do të menaxhohen nga Agjencia Kombëtare e Rinisë dhe do të bazohet në një proces të hapur konkurrimi. Përzgjedhja e aplikantëve do të bazohet mbi vlerësimin e kushteve dhe kriterëve të shpallura në këtë thirrje.

Bazuar në Kreun II. “Përbërja e Komisionit të Vlerësimit, Kriteret dhe Proce-Dura e Përzgjedhjes së Anëtarëve” pika 8 të Vendimit Nr. 196, date 26.3.2026 “Për Përcaktimin e Rregullave për Organizimin, Funksionimin dhe Përbërjen e Komisionit të Vlerësimit, si dhe të Kriterëve, Procedurave të Përzgjedhjes e të Shpërblimit të Anëtarëve të tij”:

*AKR-ja harton termat e referencës dhe shpall thirrjen e konkurrimit për ekspertët, brenda 7 (shtatë) ditëve kalendarike nga shpallja e thirrjes publike për mbështetje përmes fondeve grant të buxhetit të shtetit, të dedikuara për rininë. **Thirrja publikohet në faqen e internetit të institucionit dhe qëndron e hapur për të paktën 10 (dhjetë) ditë.***

Bazuar në Kreun II. “Përbërja e Komisionit të Vlerësimit, Kriteret dhe Proce-Dura e Përzgjedhjes së Anëtarëve” pika 10 të Vendimit Nr. 196, date 26.3.2026 “Për Përcaktimin e Rregullave për Organizimin, Funksionimin dhe Përbërjen e Komisionit të Vlerësimit, si dhe të Kriterëve, Procedurave të Përzgjedhjes e të Shpërblimit të Anëtarëve të tij”:

*AKR-ja bën shqyrtimin dhe vlerësimin e dokumentacionit të kandidatëve dhe, **brenda 5 (pesë) ditëve nga përfundimi i thirrjes së konkurrimit për ekspertë, sipas rastit, shpall fitues:***
*a) **2 (dy) kandidatët** e vlerësuar me pikët më të larta, në cilësinë e anëtarit të komisionit të vlerësimit, të parashikuar në nënndarjen “iii”, të shkronjës “a”, të pikës 1, të këtij kreu.*

Në rastin e krijimit të vakancës, ekspertët e parë zëvendësohen nga 2 (dy) kandidatët e renditur menjëherë pas tyre.

Kriteret e aplikimit:

Anëtari, ekspert i komisionit të vlerësimit, i përcaktuar në nënndarjen “iii”, të shkronjës “a”, të pikës 1, të “*Kreut II. Përbërja e Komisionit të Vlerësimit, Kriteret dhe Procedura e Përzgjedhjes së Anëtarëve*”, duhet të plotësojë kushtet dhe kriteret e mëposhtme:

- a) të ketë mbaruar studimet universitare të ciklit të dytë (“Master i Shkencave” ose ekuivalent), për drejtësi, administrim publik, shkenca ekonomike apo shkenca shoqërore;
- b) të mos jetë dënuar me vendim gjyqësor të formës së prerë;
- c) të ketë mbi 10 (dhjetë) vjet përvojë pune në fushën e politikave sociale dhe rinore;
- ç) të ketë përvojë të mëparshme në vlerësimin e propozimeve të organizatave të shoqërisë civile në kuadër të thirrjeve konkurruese për financim;
- d) të ketë përvojë në përgatitjen, zbatimin, monitorimin dhe/ose vlerësimin e projekteve të financuara me fonde publike;
- dh) të ketë njohuri në fushën e politikave dhe çështjeve rinore.

Procesi i aplikimit

Kandidatët e interesuar për pozicionin e ekspertit në komisionin e vlerësimit duhet të dorëzojnë me email në adresën info@rinia.gov.al dokumentacionin, si vijon:

- a) jetëshkrimin;
- b) kopje të dokumentit të identifikimit;
- c) letërmotivimin;
- ç) vetëdeklarimin për vërtetësinë e të dhënave;
- d) kopjen e diplomës universitare;
- dh) dëshminë e penalitetit.

Afati i aplikimit:

Afati përfundimtar i dorëzimit të aplikimit është data **16.04.2026**.

Periudha e zbatimit të detyrave:

Bazuar në Kreun III. “*Organizimi, Funkcionimi dhe Detyrat e Komisionit të Vlerësimit, Rastet e Mbarimit të Mandatit dhe të Lirimit nga Detyra të Anëtarëve*”, pika 11 të Vendimit Nr. 196, date 26.3.2026 “*Për Përcaktimin e Rregullave për Organizimin, Funkcionimin dhe Përbërjen e Komisionit të Vlerësimit, si dhe të Kritereve, Procedurave të Përzgjedhjes e të Shpërblimit të Anëtarëve të tij*”:

Mandati i anëtarit të komisionit të vlerësimit fillon me aktin e emërimit dhe përfundon me përfundimin e plotë të procedurës së vlerësimit për thirrjen publike përkatëse, përfshirë miratimin e listës përfundimtare të projekteve të përzgjedhura për financim.

Informacion shtesë:

Angazhimi i anëtarit ekspert nga shoqëria civile në Komisionin e Vlerësimit të projektpropozimeve të paraqitura nga organizatat rinore dhe organizatat për të rinjtë do të realizohet bazuar në *Kreun IV. "Masa Shpërblimit"*, të Vendimit Nr. 196, date 26.3.2026 "*Për Përcaktimin e Rregullave për Organizimin, Funkcionimin dhe Përbërjen e Komisionit të Vlerësimit, si dhe të Kritereve, Procedurave të Përzgjedhjes e të Shpërblimit të Anëtarëve të tij*". Anëtari ekspert nga shoqëria civile në Komisionin e Vlerësimit ushtron detyrën në përputhje me kuadrin rregullator të miratuar për thirrjen dhe i nënshtrohet detyrimeve ligjore të përcaktuara për konfliktin e interesit dhe konfidencialitetit të dhënave gjatë gjithë procesit.

DREJTOR I PËRGJITHSHËM

